

وبونک دخی ساروغی بابا لاری طر زنده اولوب لکن مجوزه یرینه التونلو  
اسکف کبی افسر پر زیور اورنوب سائر لیا سی دخی اجداد دن زیاده  
چو قلق شهر تدن ساده ایدی و کر میان ایلند علملوق بزردن قرمز  
بز سنجفلو قفشان نیمتن کبی دکله نکت چو قلق اعتباری اولغین اکثر  
اوقات سپاهی و شهری کینوب افتخار ایلر لردی و کند و افلاق غا<sup>سنه</sup>  
واررکن بورسه ده کچی اولان اوغلی سنا و جی بک طغیان اتمکین بالذات  
کلوب اول فتنه دفع اتدکد نکره آیرق وزارت شهراده لر و ملک  
منوع اولدی لاجرم سلطان عثمان جلوسند خطیب وقاضی اولان  
طورسون فقیه منسوب اتدن شیخ اده بالینک کساحی وقاضی  
ارموی شاگرد لرندن مولانا تاج الدین کر دینک دامادی و قره <sup>نک</sup> خواجه  
دانشندی اولوب قره خلیل دیمکله معروف فقیهی که او خات  
دورند دخی بورسه قاضیسی ایدی غازی خداوندکار اولافاضی عسکر  
بعده بکلر بکی و وزیر اعظم ایدینوب خیر الدین پاشا دیمکله شهرت  
بولدی و بونک زمان عدلند خمس غنایم میریپه اخراج و رسوم  
و خراج اخذ و ضبط اولنوب خزینه عامر ده مصرفدن زیاده اچقه قالوب